



**O‘ZBEKISTON RESPUBLIKASI**  
**DAVLAT BOJXONA QO‘MITASI RAISING**  
**BUYRUG‘I**

2022 yil “21” iyun

Toshkent shahri

№ 152

**Давлат божхона хизмати органларида давлат харидларини  
ташkil этишни янада тартибга солиш тўғрисида**

Ўзбекистон Республикасининг “Давлат харидлари тўғрисида”ги Қонуни ижросини таъминлаш ҳамда Ўзбекистон Республикаси Президентининг “Божхона маъмуриятчилигини янада такомиллаштиришга доир қўшимча чора-тадбирлар тўғрисида” 2022 йил 27 апрелдаги ПФ-122-сон Фармони билан Давлат божхона қўмитаси марказий аппарати тузилмасига ўзгартиришлар киритилганлигини инобатга олиб, шунингдек, божхона органларида давлат харидларини тартибга солиш мақсадида буюраман:

**1. Куйидагилар:**

Давлат божхона қўмитаси марказий аппаратининг энг яхши таклифларни танлаш бўйича харид комиссияси таркиби 1-иловага;

Давлат божхона қўмитаси марказий аппаратининг тендер ўтказиш бўйича харид комиссияси таркиби 2-иловага мувофиқ тасдиқлансин.

2. Давлат божхона қўмитасининг Қорақалпоғистон Республикаси, вилоятлар, Тошкент шаҳар бўйича бошқармалари, “Тошкент-АЭРО” ИБК (кейинги ўринларда – ҳудудий бошқармалар), Марказий божхона лабораторияси, Божхона институти бошлиқлари ҳамда Миллий кинология маркази ва “Бахт” спорт соғломлаштириш давлат муассасаси директори томонидан ушбу буйруқ талабларидан келиб чиқиб, лозим бўлганда харид ва тендер комиссиялари таркибини қайта тасдиқлаш чоралари кўрилсин.

3. Давлат божхона қўмитасининг энг яхши таклифларни танлаш ва тендер ўтказиш бўйича харид комиссияси аъзолари томонидан харид қилиш тартиб-таомиллари 2022 йил 1 январдан мажбурий тартибда электрон шаклга ўтказилганлиги сабабли, жорий йилнинг 1 июль кунига қадар шахсий электрон рақамли имзо олишлари таъминлансин.

4. Белгилансинки:

Давлат божхона қўмитасининг марказий аппаратида давлат харидлари доирасида харид қилиш тартиб-таомилларини ташкил этиш ва ўтказишга Моддий-техника таъминоти бошқармаси бошлиғи масъул ҳисобланади;

тузилаётган шартномалар (шу жумладан, электрон шартномалар) дастлаб ташаббускор таркибий тузилма ва Молия-иқтисодиёт бошқармаси бошлиқлари томонидан имзоланади ҳамда белгиланган тартибда Юридик бошқарма томонидан ҳуқуқий экспертизадан ўтказилади;

шартнома имзолангандан сўнг етказиб берилаётган товар-моддий бойликларни қабул қилиб олишга шахсан ташаббускор таркибий тузилма масъул ҳисобланади. Бунда, ташаббускор таркибий тузилма товар-моддий бойликларни қабул қилишни рад этган тақдирда, бу тўғрисида Моддий-техника таъминоти бошқармаси масъул ходимини зудлик билан (қабул қилишни рад этиш далолатномасини тақдим қилган ҳолда) хабардор қилади.

5. Давлат божхона қўмитасининг айрим ички идоравий ҳужжатлари 3-иловага мувофиқ ўз кучини йўқотган деб ҳисоблансин.

6. Давлат божхона қўмитасининг Юридик бошқармаси (А.Дўстёров), ҳудудий бошқармалар, Марказий божхона лабораторияси, Божхона институти ва Миллий кинология марказининг юридик хизматлари томонидан ушбу буйруқнинг туркумлаштирилган ҳисоби юритилсин.

7. Буйруқ ижросини таъминлаш Давлат божхона қўмитасининг Моддий-техника таъминоти бошқармаси (А.Шакиров), марказий аппарат таркибий тузилмалари, ҳудудий бошқармалари, Марказий божхона лабораторияси, Божхона институти бошлиқлари ҳамда Миллий кинология маркази ва “Бахт” спорт соғломлаштириш давлат муассасаси директориға, умумий назорати Раис ўринбосарлари зиммасига юклансин.

**Раис,  
божхона хизмати генерал-майори**

**А.Мавлонов**

**Давлат божхона қўмитаси марказий аппаратининг энг яхши  
таклифларни танлаш бўйича харид комиссияси  
ТАРКИБИ**

**Харид комиссияси раиси:**

1. ДБК Раиси ўринбосари О.Ибрагимов

**Харид комиссияси раиси ўринбосари:**

2. Моддий-техника таъминоти  
бошқармаси бошлиғи А.Шакиров

**Харид комиссияси аъзолари:**

3. Молия-иқтисодиёт бошқармаси  
бошлиғи Д.Абдуллаев
4. Моддий-техника таъминоти  
бошқармаси бошлиғи ўринбосари А.Қодиров
5. ДБК буюртмачи таркибий тузилма бошлиғи

**Харид комиссияси котиби:**

- Моддий-техника таъминоти  
бошқармаси бош инспектори Ш.Шоҳакимов

Изоҳ: Комиссия аъзоларининг лавозими ёки моддий-техника таъминоти йўналишига мутасадди Раис ўринбосари ўзгарганида, ушбу лавозимга тайинланган ёки унинг вазифасини бажариш юклатилган ходим комиссия таркибига киритилади.

Шунингдек, комиссия аъзоларидан бири бир вақтнинг ўзида буюртмачи тузилма бошлиғи бўлганда, комиссия таркибига буюртмачи сифатида ушбу тузилманинг ўринбосари ёки масъул шахси киритилади.

**Давлат божхона қўмитаси марказий аппаратининг  
тендер ўтказиш бўйича харид комиссияси  
ТАРКИБИ**

**Тендер комиссияси раиси:**

1. ДБК Раиси ўринбосари О.Ибрагимов

**Тендер комиссияси раиси ўринбосари:**

2. Моддий-техника таъминоти  
бошқармаси бошлиғи А.Шакиров

**Тендер комиссияси аъзолари:**

3. Молия-иқтисодиёт бошқармаси  
бошлиғи Д.Абдуллаев
4. Капитал қурилиш бошқармаси  
бошлиғи Ф.Мухаммадиев
5. Моддий-техника таъминоти  
бошқармаси бошлиғи ўринбосари А.Қодиров
6. Юридик бошқарма бошлиғи А.Дўстёров
7. ДБК буюртмачи таркибий тузилма бошлиғи

**Харид комиссияси котиби:**

- Моддий-техника таъминоти  
бошқармаси бош инспектори Ш.Шоҳакимов

Изоҳ: Комиссия аъзоларининг лавозими ёки моддий-техника таъминоти йўналишига мутасадди Раис ўринбосари ўзгарганида, ушбу лавозимга тайинланган ёки унинг вазифасини бажариш юклатилган ходим комиссия таркибига киритилади.

Шунингдек, комиссия аъзоларидан бири бир вақтнинг ўзида бюртмачи тузилма бошлиғи бўлганда, комиссия таркибига буюртмачи сифатида ушбу тузилманинг ўринбосари ёки масъул шахси киритилади.

Давлат божхона қўмитаси Раисининг  
2022 йил 21 июндаги 162-сон буйруғига  
3-илова

**Давлат божхона қўмитасининг ўз кучини йўқотаётган  
айрим ички идоравий ҳужжатлари  
РЎЙХАТИ**

1. Давлат божхона қўмитасининг 2021 йил 26 апрелдаги “Ўзбекистон Республикасининг 2021 йил 22 апрелдаги ЎРҚ-684-сон Қонуни ижроси тўғрисида” 98-сон буйруғининг 3-банди.

2. Давлат божхона қўмитасининг 2021 йил 8 июлдаги “Ўзбекистон Республикаси Давлат божхона хизмати органларида давлат харидларини ташкил этишни янада тартибга солиш тўғрисида” 157-сон буйруғи.